



Broj: 11/04-14-26275/18
Sarajevo, 27.6.2018. godine

Na osnovu Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo („Službene novine Kantona Sarajevo“, broj 33/11 i 37/13) ministar za obrazovanje, nauku i mlade Kantona Sarajevo objavljuje

JAVNI POZIV

za prikupljanje zahtjeva udruženja i neprofitnih organizacija za dodjelu sredstava za finansiranje/sufinansiranje projekata za podršku djece sa posebnim potrebama, do 15 godina, iz Budžeta Kantona Sarajevo za 2018. godinu, sa pozicije Ministarstva za obrazovanje, nauku i mlade Kantona Sarajevo

Predmet javnog poziva je prikupljanje zahtjeva udruženja i neprofitnih organizacija za dodjelu sredstava za finansiranje/sufinansiranje programa/projekata.

Pravo podnošenja zahtjeva imaju neprofitne organizacije i udruženja koja ispunjavaju opšte i posebne kriterije utvrđene Uredbom o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo („Službene novine Kantona Sarajevo“, broj: 33/11 i 37/13).

Dodjela sredstava po ovom javnom pozivu vršit će se za projekte za koje je nadležno tijelo/organ udruženja odnosno neprofitne organizacije donijelo odluku da će se realizirati u 2018. godini.

Projekat udruženja/neprofitne organizacije koji se kandiduje za dodjelu sredstava po ovom javnom pozivu mora da ispunjava sljedeće kriterije:

- da se realizira na području Kantona i da je usmjeren na zadovoljavanje društveno korisnih potreba djece sa posebnim potrebama i njihovih porodica sa područja Kantona te da doprinosi stvaranju pozitivnog imidža Kantona;
- da doprinosi razvijanju kreativnih sposobnosti djece sa posebnim potrebama u segmentu obrazovne, naučne, umjetničke, sportske ili kulturne djelatnosti;
- da doprinosi popularizaciji osnovnog, srednjeg i visokog obrazovanja sa akcentom na inkluzivno obrazovanje
- da je usmjeren na popularizaciju jačanja, zaštite i podrške cjelokupne porodice djece sa posebnim potrebama
- da je usmjeren na uključivanje u zajedničke aktivnosti porodica djece sa posebnim posebnim potrebama i tipične populacije svih uzrasta
- da ima za cilj zaštitu i promovisanje ljudskih prava sa posebnim akcentom na marginalizovane grupe, posebno porodice djece sa posebnim potrebama
- da ima najmanje 5 stalno uposlenih osoba
- obezbijedena saradnja sa institucijama i ustanovama iz oblasti odgoja i obrazovanja
- da je u protekle tri godine realizovalo saradnju sa obrazovnim institucijama
- da djeluje najmanje tri godine
- ostvareni uspjesi u radu u posljednje dvije godine (uspjesi na takmičenjima, nagrade, plakete, priznanja)
- realizuje treninge/edukativno-iskustvena predavanja koja se tiču problematike porodica djece sa posebnim potrebama u obrazovnim institucijama i nevladinim organizacijama

- da je podnosilac aplikacije za realizaciju projekta osigurao 20% finansijskih sredstava iz vlastitih ili drugih izvora u odnosu na finansijski plan projekta
- da je podnosilac aplikacije u prethodne dvije godine realizovao projekte sa domaćim i međunarodnim donatorima
- da podnosilac aplikacije nije dobio finansijska sredstva sa pozicije Ministarstva za obrazovanje, nauku i mlade Kantona Sarajevo u 2018. godini.

Potrebna dokumentacija:

Udruženja i neprofitne organizacije koja apliciraju na Javni poziv obavezna su dostaviti sljedeću dokumentaciju:

1. popunjen prijavni obrazac (**Obrazac UNO-16**);
2. projekat;
3. kopija rješenja o registraciji udruženja na bilo kojem nivou vlasti u Bosni i Hercegovini, izuzev udruženja i neprofitnih organizacija koja su registrovana na nivou Kantona Sarajevo za koja uvjerenje/potvrdu iz registra udruženja od Ministarstva pravde i uprave Kantona Sarajevo pribavlja po službenoj dužnosti Ministarstvo za obrazovanje, nauku i mlade Kantona Sarajevo;
4. kopija uvjerenja o poreskoj registraciji-identifikacioni broj;
5. kopija uvjerenja o izmirenim poreskim obavezama (ne starijeg od tri mjeseca);

6. program rada za 2018. godinu sa obrazloženjem;
7. finansijski plan za 2018. godinu;
8. izjava da je podnosilac aplikacije za realizaciju projekta osigurao 20% finansijskih sredstava iz vlastitih ili drugih izvora u skladu sa finansijskim planom;
9. izjava o ukupnom broju članova udruženja/neprofitne organizacije;
10. dokaz o uredno podnesenom izvještaju nadležnom ministarstvu o utrošku dodijeljenih sredstava iz Budžeta Kantona Sarajevo za 2017. godinu, prije dana objave ovog javnog poziva (potvrda nadležnog ministarstva ili Službe za protokol Kantona Sarajevo o prijemu izvještaja o utrošku sredstava);
11. kopija bilnasa stanja i bilansa uspjeha za 2017. godinu

Prijava na Javni poziv obavezno se podnosi u formi popunjenog prijavnog obrasca (**Obrazac UNO-16**) koji se može preuzeti sa web stranice Ministarstva ili na Protokolu Kantona Sarajevo. Prijave koje ne budu podnesene u formi propisanog prijavnog obrasca smatrat će se neurednim i neće biti razmatrane. Prijavni obrazac potpisuje i ovjerava pečatom udruženja/neprofitne organizacije lice ovlašteno za zastupanje i predstavljanje udruženja odnosno neprofitne organizacije u pravnom prometu.

Projekat mora biti potpisan lica ovlaštenog za zastupanje i predstavljanje udruženja/neprofitne organizacije u pravnom prometu i ovjeren pečatom udruženja/neprofitne organizacije.

Prijava na Javni poziv sa naprijed traženom dokumentacijom podnosi se u zatvorenoj koverti sa naznakom „**NE OTVARAJ**“ na adresu

KANTON SARAJEVO MINISTARSTVO ZA OBRAZOVANJE, NAUKU I MLADE

Prijava na Javni poziv za za prikupljanje zahtjeva udruženja i neprofitnih organizacija za dodjelu sredstava za finansiranje/sufinansiranje projekata za podršku djece sa posebnim potrebama, do 15 godina, iz Budžeta Kantona Sarajevo za 2018. godinu, sa pozicije Ministarstva za obrazovanje, nauku i mlade Kantona Sarajevo
Ul. Reisa Džemaludina Čauševića br. 1
71 000 Sarajevo
sa naznakom podatka o aplikantu (naziv i adresa)

Rok za predaju prijava na Javni poziv je 15 dana od dana objave u dnevnom listu „Oslobođenje“ i web stranici Ministarstva za obrazovanje, nauku i mlade Kantona Sarajevo.

Neblagovremene, nepotpune i neuredne prijave neće biti razmatrane.

Pregled odnosno razmatranje pristiglih prijava na Javni poziv i utvrđivanje preliminarne rang liste projekata/programa koji će se finansirati iz Budžeta Kantona Sarajevo za 2018. godinu, sa pozicije Ministarstva za obrazovanje, nauku i mlade Kantona Sarajevo, izvršit će Komisija koju imenuje ministar za obrazovanje, nauku i mlade Kantona Sarajevo.

Kontakt informacije: 033/562-127

MINISTAR

Prof. dr. Elvir Kazazović, s.r.



web: <http://www.mon.ks.gov.ba>
e-mail: mon@mon.ks.gov.ba

Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

